

Cosmographie Vniuerselle

De l'Asie en general, & comme elle est separee & bornee par la mer,
ruiieres, & promontoires. C H A P. X X I I I.



Du lieu
le nom
d'Asie.

Asie en di-
uers lan-
gues.

Anadolda
Asie en Per-
sien.

YANT par la grace de Dieu, descript diligemment les particularitez des pais & peuples, mesmes des natiōs qui sont en toute l'Asie (nommee du peuple d'Orient *Anadolda*) les tenās & aboutissans de chacun, les longitudes & latitudes, avec les noms tant anciens que modernes, & les changemens de Gouuernemens, Royaumes & Empires qui y sont aduenuz selon les saisons, avec les mœurs, sectes & superstitions des peuples qui l'habitent, il fault que moy Theuet, ainsi que i'ay fait en l'Afrique, ie reprenne en general tout ce qui est du contenu de ceste Asie: la plus grand part de laquelle i'ay veüe & circuie, par mer & par terre, avec les autres trois parties du monde, en dixsept ou dixhuiet ans: à fin que vous cognoissiez la difference qui se passe entre les Chartes des Anciens, & les descriptions que ie vous en ay icy faites: d'autant que en l'Inde interieure on y a penetré à present, où le temps passé on n'y bailla onc attainte, que par imagination, si ce n'est du costé de Malaque en la Chersonese dorree. Asie donc a prins son nom, comme aucuns estiment, d'un Asius, fils de Mauce. L'Yde, & autres disent d'une femme mere de Promethee, qui s'appelloit Asie. Voila gaillement chanté la Musique Canadienne des Anciens. Mais les plus grands observateurs referent ce nom à la femme de Iaphet, qu'ils font fille de l'Ocean, ne sçachans à qui en referer l'origine. Les Indiens Asiatiques appellent ceste grande estendue de terre d'Asie, *Mieph*, comme s'ils vouloient dire, Pais le nompareil: Les Ethiopiens la nomment *Lard-hoa-Taiger*, qui ne signifie, que Terre riche. Et non sans cause luy ont ils donné ce nom, veu que c'est la plus fertile de routes les autres. L'Asie est beaucoup plus temperce que l'Afrique, & a ses terres trop plus grasses: qui a fait, que aucuns ont dit, qu'elle prenoit de là son nom, parce que Asie signifie autāt que Limonneux & fangeux: & pense que ce soit à cause des grandes ruiieres, qui de tous costez d'icelle se lancent en diuers Lacs & grandes mers, par plusieurs parties du monde. Pour cognoistre ceey plus à plein, il m'en fault faire la totale & vniuerselle description: par laquelle nous verrons aussi le nōbre des Prouinces qui sont comprises en ceste grande & principale partie de la terre, à laquelle le Persien donne le nom d'*Anadolda*. Volontiers les Arabes & Turcs aussi, quand ils voyent des Chrestiens en ces pais là de l'Asie, les interrogent fierement, leur disans en leur langue, *Handa-gidert, Sembre-giaur*, qui est à dire, Où vas-tu Chrestien? Lors lon leur respond, *Maslahaton var Anadolda*, l'ay des affaires en ces pais d'Asie. Parlons donc de son estendue. L'Asie comme elle se comporte, tend du Midy à l'Orient, & iusques à l'Occident: si que selon l'ancienne description qu'on faisoit de la terre, auant que ce qui est à present cogneu, fust descouuert, elle tenoit presque (au iugement des Cosmographes) la belle moitié de la terre: & tout ainsi que son estendue est au Su, à l'Est, & au Nort, aussi sont ses fins & limites. En quoy i'accorde avec les aboutissans & bornes, que les Anciens luy ont donné. Du costé donc de l'Ouest ou Ponent, elle a la ruiere de Tanais, à present Don, ou Tane, qui la separe d'avec l'Europe sur le lac Meotide, ou mer de Zabache, tout ainsi que de l'autre costé visitant la Thrace & pais de Grece, c'est l'Archipelague qui fait vne telle separation au Bosphore, & destroit de Constantinople, & en celuy de Gallipoly. De l'Afrique elle en est separee, non par le Nil, quoy que Pomponne Mele en die, ainsi que ailleurs i'ay marqué, veu que la plus part de l'Egypte seroit par ce moyen de l'Asie, qui est autrement, d'autant que les quatre parties d'icelle sont de l'Afrique: ains se fait ce partage par vne